

Unsko-sanski kanton
OPĆINA VELIKA KLADUŠA



INFORMACIJA

o radu Općinskog vijeća Općine Velika Kladuša za period 01.01 - 31.03. 2023. Godine.

Velika Kladuša, maj 2023. godine

Općinsko vijeće je predstavnički organ građana, odnosno organ lokalne samouprave Općine Velika Kladuša, izabran demokratskim putem, na temelju općeg biračkog prava na neposrednim izborima, tajnim glasanjem, na način i po postupku koji je utvrđen Izbornim zakonom Bosne i Hercegovine.

Općinsko vijeće u okviru svoje nadležnosti utvrđene Zakonom o principima lokalne samouprave u Federaciji Bosne i Hercegovine, Zakonom o lokalnoj samoupravi Unskosanskog kantona i Statutom Općine Velika Kladuša :

- *priprema i donosi Statut Općine dvotrećinskom većinom glasova,*
- *donosi budžet Općine, godišnji izvještaj o izvršenju budžeta, kao i odluku o privremenom finansiranju u skladu sa zakonom,*
- *donosi razvojne, prostorne i urbanističke planove i programe, te provedbene planove, uključujući i zoniranje,*
- *donosi propise o porezima, taksama, naknadama i doprinosima Općine u skladu sa zakonom,*
- *donosi odluke o upravljanju i raspolaganju imovinom Općine,*
- *donosi odluke o zaduživanju Općine,*
- *donosi programe uređenja građevinskog zemljiša,*
- *donosi plan korištenja javnih površina, donosi odluke o organizaciji mjesne samouprave, odnosno o mreži i organizaciji mjesnih zajednica i nazivima ulica, trgova i naseljenih mjesta,*
- *donosi odluke o članstvu Općine u organizaciji općina i gradova i o udruživanju u savez i organizacije,*
- *donosi odluke o proglašenju praznika Općine, donosi odluke o nagradama i priznanjima Općine,*
- *bira i razrješava predsjedavajućeg i zamjenika predsjedavajućeg Općinskog vijeća,*
- *donosi odluku o prihvatanju inicijative za pokretanje postupka opoziva Općinskog načelnika i provodi postupak opoziva,*
- *osniva radna tijela Općinskog vijeća, te bira i razrješava njihove članove, imenuje,*
- *bira i razrješava druge osobe određene zakonom, Statutom i odlukama,*
- *donosi poslovnik o svome radu i - obavlja i druge poslove utvrđene zakonom i Statutom.*

Općinski vijećnik je predstavnik svih građana Općine u vijeću sa mandatom, pravima i obavezama utvrđenim Ustavom, Izbornim zakonom BiH i Statutom Općine. Vijećnici odgovaraju za ustavnost i zakonitost akata koje vijeće donosi u okviru svojih nadležnosti. U ostvarivanju svojih prava i dužnosti vijećnik ima pravo i dužnost:

- *predlagati Općinskom vijeću donošenje odluka i drugih akata te razmatranje pojedinih pitanja iz njegova djelokruga;*
- *izjašnjavati se o svim pitanjima koja su na dnevnom redu Općinskog vijeća;*
- *da bude biran u radna tijela Općinskog vijeća;*
- *da postavlja pitanja općinskom načelniku, općinskim službama, javnim ustanovama i preduzećima čiji je osnivač Općina ili obavljaju poslove od javnog interesa, a imaju sjedište u Općini;*
- *da traži i dobiva podatke od organa Općine i drugih općinskih pravnih subjekata, te koristiti se njihovim stručnim i tehničkim uslugama potrebnim za obavljanje poslova općinskog vijećnika;*

- da kroz pokretanje rasprava i inicijativa brine se o ostvarivanju potreba građana, mjesnih zajednica i Općine;

Odredbama Statuta Općine Velika Kladuša i Poslovnika Općinskog vijeća utvrđena je obaveza Općinskog vijeća u smislu podnošenja godišnjeg ili polugodišnjeg izvještaja o radu Općinskog vijeća i njegovih radnih tijela s ciljem informisanja, u prvom redu Vijeća, kao i ukupne javnosti o ostvarivanju programskih zadataka i aktivnosti Vijeća i njegovih radnih tijela.

Kako je rad Općinskog vijeća u 2023. godine bio u okarektiriziran opstrukcijama općinskom načelnika čiji je cilj bio onemogućavanje rad Općinskog vijeća i implementacija odluka istog, Informacija o radu Općinskog vijeća Općine Velika Kladuša je obaveza kako bi se građani Općine Velika Kladuša informiralo o donesenem odlukama, kao I opredjeljenju vijećnika da izvršavaju zakonom preuzeta prava I dužnosti.

Općinsko vijeće Općine Velika Kladuša u skladu sa Statutom Općine, a na osnovu zakonom utvrđenih kriterija, broji 28 vijećnika.

Trenutno sastav Općinskog vijeća čine predstavnici osam političkih stranaka čiji je rad u Vijeću organiziran kroz šest formiranih klubova vijećnika, i to kako slijedi:

<i>R/b</i>	<i>Naziv političke stranke</i>	<i>Broj mjesta u Vijeću</i>	<i>Učešće u ukupnom broju vijećnika</i>
1.	Laburistička stranka BiH	12	
2.	Stranka demokratske akcije	5	
3.	Demokratska narodna zajednica BiH – Krajiška stranka	2	
4.	Naša stranka	2	
5.	Nezavisni vijećnici (Dr. Ibrahim Ibrahim Kajtazović, Ibrhima Kajtazović Bato, Ćufurović Amir I Dizdarević	4	
6.	Stranka demokratske aktivnosti, sada NES	2	
7.	Socijaldemokratska partija BiH	2	
UKUPNO		28	100%

Tabela 1- Sastav Općinskog vijeća prema broju osvojenih vijećničkih mjesta

Napomena: Klub Nezavisnih vijećnika čine Amir Ćufurović i DizdarevićMirsad, dok dr. Ibrahim Kajtazović , te Ibrahim Kajtazović Bato djeluju kao nezvaisni vijećnici.

U aktuelnom sazivu Općinskog vijeća u skladu sa odredbama Poslovnika, kao oblik djelovanja vijećnika u Vijeću, obrazovano je šest klubova vijećnika, i to:

R/b	Naziv Kluba	Broj članova Kluba
1.	Klub Laburističke stranke BiH	12
2.	Klub vijećnika DNZ BiH – Krajiške stranke	2
3.	Klub vijećnika SDA	5
4.	Klub vijećnika A-SDA, sada NES	2
5.	Klub vijećnika Naša stranka	2
6.	Klub Nezavisnih vijećnika	2
UKUPNO		25

Tabela 2- Struktura Općinskog vijeća prema broju formiranih vijećničkih klubova Vijećnici

koji čine trenutni saziv Općinskog vijeća općine Velika Kladuša su:

Laburistička stranka BiH: Abdić Fikret-Toda, Đogić Amir, Čehić Emina, Murtić Fikret, Mehić Huse, Šakanović-Okanović Aida, Behrić Ismet, Emir Delić, Salkić Nedžad, Čelebić Matilda, Elvir Sefić, Damir Pleho ;

SDA : Veladžić Asim, Ale Hušidić, Čuturić Ćamil, Bisenija Mušedinović, Semra Okanović;

Klub nezavisnih vijećnika: Ćufurović Amir, Mirsad Dizdarević;

DNZ BiH – Krajiške stranke Ljubijankić Dinko, Rifat Dolić;

NES: Sulejmanagić Fuad, Hadžić Muamer;

Naša stranka: Zlatko Pajazetović , Selma Kendić;

SDP: Nihad Ugarak;

Nezavisni vijećnik: dr. Kajtažović Ibrahim; **Nezavisni**

vijećnik: Kajtažović Ibrahim-Bato.

Ova informacija donosi pregled održanih sjednica Općinskog vijeća za vremenski period januar –april 2023.godine te pregled materijala na istima:

-12. januara 2023. godine, “Hitna“ sjednica Općinskog vijeća općine Velika Kladuša

1. Odluka o privremenom finansiranju Općine Velika Kladuša

-30. Januara 2023. godine, nastavak 14. Redovne sjednice Općinskog vijeća Općine Velika Kladuša

□ Imenovanje Komisije za izbor i imenovanja,

□ Imenovanja predsjedavajućeg Općinskog vijeća

-13. Februara 2023. Vanredna sjednica Općinskog vijeća Općine Velika Kladuša

1. *Zahtjev o preispitivanju Zaključka o neusvajanju Odluke o privremenom finansiranju Općine Velika Kladuša za 2023. godinu.*
2. *Zaključak o Prijedlogu za namjensko usmjeravanje dijela sredstava Budžeta za JKUP Komunalije za isplatu zaostalih plaća radnika JKUP Komunalije.*
3. *Prijedlog Odluke o formiranju Komisije za davanje stručne ocjene u postupku izdavanja urbanističke saglasnosti.*

-23. Marta 2023. 15. Redovna sjednica Općinskog vijeća Općine Velika Kladuša

1. *Vijećnička pitanja i odgovori (vrijeme pitanja)*
2. *Izvoda iz zapisnika sa XIV redovne i vanredne sjednice Općinskog vijeća Općine Velika Kladuša*
3. *Prijedlog Rješenja o razrješenju zamjenice predsjedavajuće Općinskog vijeća Općine Velika Kladuša*
4. *Prijedlog Rješenja o imenovanju zamjenika predsjedavajućeg predsjedavajuće Općinskog vijeća Općine Velika Kladuša*
5. *Prijedlog Odluke o razrješenju Komisije za rukovođenje tajnim glasanjem*
6. *Prijedlog Odluke o razrješenju Komisije za budžet, privredu, finansije i ekonomska pitanja*
7. *Prijedlog Odluke o razrješenju Komisije za Statut i propise*
8. *Prijedlog Odluke o razrješenju Komisije za obrazovanje, kulturu i sport*
9. *Prijedlog Odluke o razrješenju Komisije za ljudska prava i ravnopravnost spolova*
10. *Prijedlog Odluke o razrješenju Komisije za odlikovanja i druga javna priznanja*
11. *Prijedlog Odluke o razrješenju Komisije za pitanja mladih*
12. *Prijedlog Odluke o razrješenju Komisije za prigovore, predstavke i prijedloge*
13. *Prijedlog Odluke o razrješenju Komisije za prostorno planiranje, mjesne zajednice, komunalne poslove i ekologiju*
14. *Prijedlog Odluke o razrješenju Komisije za žalbe*
15. *Prijedlog Odluke o razrješenju Komisije za utvrđivanje prijedloga naziva ulica, trgova, javnih ustanova i naseljenih mjesta*
16. *Prijedlog Odluke o razrješenju Etičkog odbora*
17. *Prijedloga Odluke o imenovanju Komisije za rukovođenje tajnim glasanjem*
18. *Prijedlog Odluke o imenovanju Komisije za budžet, privredu, finansije i ekonomska pitanja*
19. *Prijedlog Odluke o imenovanju Komisije za Statut i propise*

20. *Prijedlog Odluke o imenovanju Komisije za obrazovanje, kulturu i sport*
21. *Prijedlog Odluke o imenovanju Komisije za ljudska prava i ravnopravnost spolova*
22. *Prijedlog Odluke o imenovanju Komisije za odlikovanja i druga javna priznanja*
23. *Prijedlog Odluke o imenovanju Komisije za pitanja mladih*
24. *Prijedlog Odluke o imenovanju Komisije za prigovore, predstavke i prijedloge*
25. *Prijedlog Odluke o imenovanju Komisije za prostorno planiranje, mjesne zajednice, komunalne poslove i ekologiju*
26. *Prijedlog Odluke o imenovanju Komisije za žalbe*
27. *Prijedlog Odluke o imenovanju Komisije za utvrđivanje prijedloga naziva ulica, trgova, javnih ustanova i naseljenih mjesta*
28. *Prijedlog Odluke o imenovanju Etičkog odbora*
29. *Naredba o proglašavanju ništavnim akata objavljenih u „Službenom glasniku Općine Velika Kladuša“, broj 1/23*

-31. Marta 2023. Vanredna sjednica Općinskog vijeća Općine Velika Kladuša

1. *Prijedlog Budžeta za 2023. godinu*
2. *Prijedlog odluke o izvršavanju Budžeta.*

Rad Općinskog vijeća za vremenski period januar – april 2023. godine bio je u znaku neviđenih opstrukcija koje do sada nisu nigdje zabilježene.. Aktuelna većina u Općinskom vijeću Općine Velika Kladuša koju čine klubovi: SDA, NES, DNZ - Krajiška stranka, Naša Stranka, Klub nezvinskih vijećnika, SDP i dr Ibrahim Kajtazović, nakon što su na nastavku XIV sjednice Općinskog vijeća Općine Velika Kladuša izabrali novo rukovodstvo suočili su se sa opstrukcijama od strane Općinskog načelnika, a što je rezultiralo time da isti zabrani saradnju svih službi sa Općinskim vijećem Općine Velika Kladuša. Sjednicama Općinskog vijeća koje su uslijedile nakon nastavka XIV sjednice ne prisustvuju predstavnici službi, kao ni „sekretar“, stručni savjetnik za narmativno pravne poslove, kao niti zapisničar. Sjednicama su prisustvovali vijećnici većine dok su vijećnici Laburističke stranke BiH i nezavisni vijećnik Ibrahim Kajtazović Bato bili odsutni na svakoj.

Općinski načelnik nakon što je uvidio da je novoformirana većina opredijeljena da radi u interesu građana općine Velika Kladuša, je istima uskratio pravo na korištenje Općinske vijećnice, kao i kabineta predsjedavajuće Općinskog vijeća.

Svojim postupcima i odlukama, Općinski načelnik je onemogućavao obavljanje zakonske uloge Vijeća. Međutim, vijećnici novoformirane većine ustrajni su obavljanju svojih dužnosti.

Predsjedavajuća Općinskog vijeća Općine Velika Kladuša se dva puta obraćala Općinskom načelniku sa zahtjevom da se upriliči radni sastanaka, međutim, niti ni na jedan od zahtjeva nije odgovoreno.

Vijećnici novoformirane većine ostaju pri opredjeljenju da rade u interesu građana općine Velika Kladuša, te ih pozivaju da i sami svojim zahtjevima i inicijativa podrže rad vijeća, a sa ciljem da se zaustavi svaki oblik opstruiranja rada Općinskog vijeća i implementacija donesenih odluka.

Ova Informacija će biti dio materijala koji će na kraju godine biti izvještajnog karaktera, a bavit će se svakim segmentom rada Općinskog vijeća.

OBRAĐIVAČ:

Kolegij Općinskog vijeća

PREDLAGAČ:

Kolegij Općinskog vijeća

